





第七五二冊

四庫全書

● 上海古籍出版社

本冊目次

普

濟

方(六)

明朱

權撰

一

欽定四庫全書

子部
普濟方卷一百四十八

輯校官太醫院恩科孔熒秀
編修臣倉聖脈覆勘

總校官庶吉士臣何思鈞
校對官典簿臣劉景岳
謄錄監生臣費元震

欽定四庫全書

普濟方卷一百四十八

明

周王朱楠

撰

時氣門

總論

易稱天地變化各正性命然則變化之迹無方性命之功難測故有炎涼寒燠風雨晦冥水旱妖蟲蝗怪異四時八節種種施化不同七十二候日月運行各別終其度方得成年是謂歲功畢矣天地尚且如然在人安可無事故人生天地之間命有通塞時有否泰吉凶悔吝苦樂安危喜怒哀懣存亡憂畏關心之慮日有千條謀身之道時生萬計乃度一日是故天無一歲不寒暑人無一日不憂喜故有天行瘟疫病者即天地變化之一氣也斯蓋造化必然之理不得無之故聖人雖有補天立極之德而不能廢之而能以道御之其次有賢人善於攝生能知樽節與時推移亦得保全天地有斯瘴癘還以天地所生之物以防備之命曰知方則病無所侵

欽定四庫全書

普濟方
卷一百四十八

欽定四庫全書

卷一百四十八

二

矣然此病也俗人謂之橫病多不解治皆曰滿日自差以此致枉者天下大半凡始覺不佳即須救療迄至於病愈湯食競進折其毒勢自然而差必不可令病氣自然恣意攻人拱手待斃斯為誤矣夫天時氣病者是春時應暖而反大寒夏時應熱而反大涼秋時應涼而反大熱冬時應寒而反大溫者此非其時而有其氣是以一歲之中病無長少率多相似者此則時行之氣也從立春節後其中無暴大寒又不冰雪而人有壯熱為病者此屬春時陽氣發於冬時伏寒變為溫病也從春分以後至秋分節前天有暴寒者為時行寒疫也一名時行傷寒此時節候有寒傷於人非觸冒之過也若三月四月或有暴寒其時陽氣尚弱為寒所折病熱猶小輕也五月六月陽氣已盛為寒所折病熱則重也七月八月陽氣已衰為寒所折病熱亦小微也其病與溫及暑病相似但治有殊耳問一歲之中長幼病狀多相如此名溫疫也四時皆有不正之氣春夏亦有寒清

欽定四庫全書

卷一百四十八

三

時秋冬或有暄暑時人感疫癘之氣故一歲之中病無長少率相似者此則時行之氣俗謂之天行是也老君神明散務成子螢火九敗毒散冬氣溫春氣寒夏氣冷秋氣熱為時氣與傷寒同而治有異者蓋因四時不正之氣而變更不拘以月數淺深吐下隨證施行若春應暖而清氣折之則責邪在肝三月四月或有暴寒其時陽氣尚弱為寒所折病熱猶輕升麻散解肌湯主之夏應暑而寒氣折之則責邪在心五月六月陽氣已盛為寒所折病熱則重七月八月陽氣已衰為寒所折病熱亦微調中湯射干湯半夏桂枝甘草湯可選用也秋應涼而反大熱抑之則責邪在肺溫熱相薄民多病瘧黃也宜白虎加蒼朮湯煎茵陳汁調五苓散冬應寒而反大溫折之則責邪在腎其冬有非節之暖者名為冬溫此屬春時陽氣發於冬時則伏寒變為溫病宜姜棗湯仲景云冬溫之毒與傷寒大異蓋傷寒者傷寒氣而作冬溫者感溫氣而作寒疫者暴寒折人非觸冒之過其

治法不同所施寒熱溫涼之劑亦異不可拘以日數發汗吐下隨證施行要之治熱涼以寒溫而行之治溫以清冷而行之治清寒以熱涼而行之治清以溫熱而行之以平為期不可以過此為大法也然得時行病一日在皮毛當摩膏火灸愈不解者二日在膚可法鍼服解肌散汗出愈不解者三日復發汗若大汗則愈不解者止勿復發也四日在胃服藜蘆丸微吐之愈若病固服藜蘆丸不吐者服赤小豆瓜蒂散吐之即愈視病者尚

欽定四庫全書

卷一百四十八

四

未了了復一法針之當解不愈者六日熱已入胃乃與利湯下之愈百無不如意但當諦視節度與病耳若食不消病亦與時行病俱發熱頭痛食病當速下之時行病當待六七日下之時行病始得一日在皮二日在膚三日在肌四日在胃五日入胃乃可下也熱在胃外而下之則熱乘虛便入胃然病要當復下去之不得留於胃中也胃若實熱致此為病三死一生此輩皆多不愈胃虛熱入咽胃也其熱微者赤斑出劇者黑斑出赤出

者五死一生黑斑出者十死一生但論人有強弱病有難易功效相倍耳病者過日不以時下之熱不得泄亦胃爛斑出矣若得病無熱但狂言煩躁不安精采言語與人不相主當者勿以火迫之但以猪苓散一方寸水和服之當以新汲冷水令強飲一升若一升半可至二升益佳以指刺喉中吐之隨手愈不即吐者此輩病多不善勿強與水水停即結心下也更當以餘藥吐之皆令相主當者不爾必危若此病不急以猪苓散吐解之

欽定四庫全書

卷一百四十八

五

者其死殆速亦可先去毒物及法針之尤佳 又云此病方家呼為傷寒有二種有陰有陽陰傷寒者反於陽是也陽傷寒狀表裏相應心熱則口乾苦肝熱則放赤量脾熱則谷道稍澀腎熱則耳熱赤肺熱則鼻乾渴胃熱則嘔逆大腸熱則大便秘澀小腸熱則小便赤少皮膚熱則脉洪數身體熱反此者乃陰傷寒大傷寒者則為寒所傷也寒主陰陰主殺凡人陰陽調則無病氣既為寒所傷便致斯病也 又云陰陽傷寒者則毒氣

傷陰陽氣也人身中有陰陽之氣陰陽者則寒熱也本以陰為毒所傷則不能流行陽熱獨王故天行多熱者也此病於諸病之中最為難療陰陽二病陰尤可憂耳時聞有此病而倉卒死者不少或由證候不能精審方藥未達指歸飲食乖宜寒溫失節故致爾自心不全甄別他醫難得精妙與其療也寧可任之但能滋味適寒溫將理中間冷暖守過七日此最為得計其中事須服藥不可徒然者唯多日大便不通暫須一轉洩耳又時氣病一日太陽受病太陽為三陽首主於頭項故得病一日頭項腰脊痛又時氣二日陽明受病陽明主於肌肉其脉絡鼻入目故病二日內熱鼻乾不得眠夫諸陽為表表始受病皮膚之間故可摩膏火灸發汗而愈又時氣病三日少陽受病少陽脉循於脅上於頸耳故得病三日脅脅熱而耳聾也三陽經絡始相傳病未入於臟故可汗之而愈又時氣四日太陰受病太陰為三陰之首是知三日已後諸陽受病訖即傳之於

陰而太陰受病焉其脉主於咽嗑故得病四日腹滿而嗑乾其病在胸膈故可吐而愈也又云夫得病四日毒在胃膈故宜取吐有得病二三日便即煩滿此為毒氣已入或有五六日已上毒氣猶在上焦者其人有痰實故也所以復宜取吐也又時氣五日少陰受病少陰脉貫腎絡肺係於舌本故得病五日口熱舌乾渴而引飲其病在腹故可下而愈又時氣病六日厥陰受病厥陰脉循陰器絡於肝故得病六日煩滿而囊縮也此為三陽三陰俱受病毒氣入於腸胃故可下而愈又時氣病七日法當小愈所以然者陽陰諸經傳病竟故也今病不除者欲為再經病再經病者謂陰陽諸經重受病也又時氣病八九日以上不解者或是陰陽諸經重受於病或已發汗吐下之後毒氣未盡所以病不能除或一經受病未即相傳至于停滯累日病證不改者故皆當察其證而治之凡病傷寒而成溫病者先夏至日者為病溫後夏至日者為病暑故曰冬三月

早卧起必待日光使志若伏若隱若有私意若已有得去寒就溫無泄皮膚使氣亟奪又因於寒欲如運樞故冬傷於寒春必病溫也又有冬時傷非節之暖名為冬溫之毒與傷寒大異也有病溫者乃天行之病耳其冬月溫暖之時人感乖候之氣未即發病至春或被積寒所折毒氣不得泄至天氣暄熱溫毒始發則肌肉斑爛也經曰虛邪賊風避之有時恬淡虛無真氣從之精神內守病安從來故曰人清淨則肉腠閉拒雖有大風苛

欽定四庫全書

卷一百四十八

八

毒弗之能害又云四時陰陽者萬物之根本也是以聖人春夏養陽秋冬養陰以從其根也從陰陽則生逆之則死故曰精者身之本藏於精者春不病溫也有病溫汗出輒復熱而脉躁病不為汗衰狂言不能食病名為何曰病名陰陽交者死人所以汗出者皆生於穀穀生於精今邪氣交爭於骨肉之間而得汗者是邪却而精勝也精勝則當能食而不復熱熱者邪氣也汗者精氣也今汗出而輒復熱者是邪勝也不能食者精氣竭

而病留者其毒可立而傾也汗出而脉尚躁盛者死今脉不與汗相應此不勝其病也其死明矣狂言者是失志也失志者死今見三死不見一生雖愈必死凡膚熱其脉盛躁者病溫也其脉盛而滑者汗且出也凡溫病人三二日身軀熱脉疾頭痛飲食如故脉直疾八日死四五日頭痛脉疾喜吐脉來細十二日死此病不療八九日脉不疾身不痛目不赤色不變而反利脉來牒牒按不彈手指時時大心下硬十七日死病三四日已下

欽定四庫全書

卷一百四十八

九

不得汗脉大疾者生脉細小難得者死不療也下利腹中痛甚者死不療也凡熱病新差及大病之後食猪肉及腸血肥魚油膩等必大下痢不能療也必至於死若食餅餌菜黍餠脯鱸炙棗栗諸果及堅實難消之物胃氣尚虛弱不能消化必更結熱適以藥下之則胃中虛冷必大利難禁不下必死下之必危皆難救也熱病之後多坐此死不可不慎也病新差但得食糜弱寧可少食令飢慎勿飽不得他有所食雖思之勿與計日轉久

欽定四庫全書

卷一百四十八

十一

可漸食羊肉糜若羹汁免雜鹿肉慎不可食猪犬肉也
新差後當靜卧慎勿令人梳頭洗面非但體勞亦不可
多言語用心使意勞凡此皆令勞復故督郵顧子獻得
病已差未健詣華敦視脉敦曰雖差尚虛未復陽氣不
足勿為勞事餘勞尚可御內即死臨死當吐舌數寸其
妻聞其夫病除從百餘里省之宿交接中間三日發舌
出數寸而死病新差未經百日未得氣平復而行房室
大略無不死者蓋正疾愈後六十日已能行射獵行房
室則吐涎而死凡熱病房室名為陰陽易之病皆難療
多死近者有士大夫小得傷寒發汗已十餘日能乘馬
行來自為平復故以房室則小腹急痛手足拘拳而死
深師說天行病未復強食黃花菜手足稍重一方云青
花天行病差食鷄魚必變成痼又食鷄魚肉結氣不化
天行病差飲酒合陰陽復必死天行病差未滿三月食
鰾鮠肉則復下血食鹽豉令人四支不舉天行病差食
諸菜有花者三年肌膚不充天行病未好食生瓜芥菜

欽定四庫全書

卷一百四十八

十二

三月浮腫也天行病差食菜合陰陽復必死千金天行
病差後未滿五日食一切肉麪者病更發困天行病差
食芥鮠發病天行病差新起飲酒及食韭菜病更發天
行病差食生魚作下利必不止天行病食生菜顏色絕
身不平復天行病新汗解飲冷水者損心包令人虛不
復天行病未復食犬肉并萌以合食之復則死天行病
差食生棗及羊肉者腸腹作熱蒸天行病新差食犬肉
食羊肉作骨中蒸熱天行病差食魚肉并爪生菜者令
人身腫天行病食蒜者病發大困 問曰傷寒溫病何
以難脉答曰溫病冬傷於寒所得也至變為溫病傷寒
汗下不愈而過經其證尚在而不除者亦溫病也經曰溫
病之脉行在諸經不知何經之動隨其經所在而取之如
太陽證汗下後過經不愈診得尺寸俱浮者太陽溫病也
如身熱目疼汗下後過經不愈診得尺寸俱長者陽明溫
病也如胸脇痛汗下後過經不愈診得尺寸俱弦少陽溫
病也如腹滿噎乾診得尺寸俱沈細過經不愈者太陰溫病

也如口燥舌乾而渴診得尺寸俱沈過經不愈者少陽

溫病也如煩懊囊縮診得尺寸俱微緩過經不愈者厥

陰溫病也是故隨其經而取之隨其證而治之如發斑

乃溫毒也 又云黃帝曰傷寒熱病死候有九 太素云不可刺

九者一曰汗不出大熱發喘者死 太素云汗不出大熱發喘者死 二曰泄

而腹滿甚者死 甚一作黃 三曰目不明熱不已者死四曰老

人嬰兒熱病腹滿者死五曰汗不出嘔下血者死六曰

舌本爛熱不已者死七曰欬而衄汗不出出不至足者

欽定四庫全書

卷一百四十八

三

死八曰體熱者死九曰熱而瘕者死熱病瘕者腰反折

瘕瘕齒噤也熱病七八日脉微小病者便血口中乾

一日半而死脉代者一日死熱病七八日脉不躁不數

後三日有汗三日不汗四日死熱病已得汗而脉尚躁

盛此陰脉之極也死其得汗而脉靜者生熱病脉常盛

躁而不得汗者此陽脉之極也死脉盛躁得汗者生

疫癘傳染老幼皆相似調治一也寸虛弱尺弦緊或肝

脉濡細是雖責邪四時然發汗吐下條例通行故曰

明知順逆正治從治不外陰陽表裏條例通行固也然

其毒癘之氣蘊蓄于中亦隨其溫涼權其輕重而利導

之庶毒有所泄則易為力也病源云挾毒癘之氣狀熱

煩毒發為心腹脹滿若不治春感清邪在肝升麻葛根

湯解肌湯夏感寒邪在心調中湯射干湯半夏桂枝甘

草湯秋感熱邪在肺白虎加蒼朮湯發黃瘧茵陳調五

苓散冬感溫邪在腎亦名冬溫萎蕤湯土無正行因

火而名當隨經取之此大槩然耳寒證者聖散子螢火

欽定四庫全書

卷一百四十八

三

九神明散可選用聖散子內用木附片菴良羌只可施

之寒濕毋惑於通用之說 凡溫病可針刺五十九穴

又身之穴六百五十有五其三十六穴灸之有害七十

九穴刺之有災

時氣一日論

夫時氣一日太陽受病太陽為三陽之首而主於頭項

故得病一日頭項腰脊皆痛也

方

解肌散

出聖方

治時氣一日頭痛壯熱四肢煩疼

麻黃

報節 一兩去

川升麻

石膏 一兩

甘草

半兩炙 赤微剉

赤芍藥

貝齒 三枚

杏仁

雙仁 一兩湯浸去皮尖

右搗粗羅為散每服五錢以水一大盞入生薑半分

棗三枚煎至五分去滓不計時候熱服衣覆取汗

便食豉粥補虛

桂枝散

出聖方

治時氣一日頭痛壯熱骨節疼痛

欽定四庫全書

卷一百四十八

桂枝

黃芩

麻黃

去根節 各三分

石膏

一兩

右為散每服五錢以水一大盞入生薑半分棗三枚

煎至六分去滓不計時候熱服衣覆取汗

解表石膏散

出聖方

治時氣一日頭項腰脊痛惡寒

石膏

二兩

豉

二合

葛根

二兩

白朮

二兩

桂心

一兩

麻黃

一兩去根節

白芷

芍藥

當歸

微炒剉 各一兩

右為散每服五錢以水一大盞入生薑半分棗三枚

煎至五分去滓不計時候熱服衣覆取汗

葛根散

出聖方

治時氣一日壯熱心神煩躁頭痛四肢

不利

葛根

剉

赤芍藥

麻黃

去根節

黃芩

石膏

各一兩

大青

甘草

各半兩炙 微赤剉

右為散每服五錢以水一大盞入生薑半分棗三枚

煎至五分去滓不計時候熱服衣覆取汗

欽定四庫全書

卷一百四十八

治時氣一日頭痛壯熱

出聖方

取生葛根淨洗搗取汁一大盞內豉一合煎至六分

去豉不計時候分為二服有汗即差未得汗即任服

若心中熱加梔子仁十枚內葛根汁中同煎去滓服

之

治時氣一日初覺便宜發汗

出聖方

用麻黃二兩去根節以水三大盞煮麻黃去沫取汁

一盞半去滓後入米一匙豉汁二合煮為稀粥不計

時候頓服衣覆取汗

法

導引法 云清旦初起以左右手交互從頭上挽兩耳
各又引鬢髮即流通令頭不白耳不聾又摩手掌令
熱以摩面從上下二七止去脚氣令面有光又摩手
令熱從體上下名曰乾浴令人勝風寒時氣寒熱頭
痛百病皆愈

時氣二日論

欽定四庫全書

卷一百四十八

夫時氣二日陽明受病陽明主於肌肉其脉絡於鼻入
於目故得病二日內熱鼻乾不得眠也夫諸陽在表表
始受病故可摩膏火灸發汗而愈也

方

水解散

治時氣二日頭痛壯熱心躁

麻黃

去根節

川大黃

剉碎

黃芩

桂心

甘草

剉碎

赤芍藥

各一兩

右為散每服不計時候以溫水調下二錢良久再服

未服藥前以熱湯沐浴後便服此藥衣蓋取汗重

者不過三服強實人服二方寸匕此調風實之人三

伏中宜用之若去大黃即春夏用之

治時氣二日壯熱頭痛宜服此方

出聖方

甘草

一兩炙

生薑

三分

蘇蘇一類大者取蘇去子于碗內盛之

右先將生薑甘草用無灰酒一大盞煎取六分去滓

熱入蘇蘇碗中絞取汁不計時候分溫二服

欽定四庫全書

卷一百四十八

柴胡散

出聖方

治時氣二日壯熱增寒頭痛腰脊強重

柴胡

去

麻黃

各一兩

葛根

三分

桂心

二分

甘草

一分炙

右為散每服四錢以水一中盞入豉五十粒薄荷二

七葉煎至六分去滓不計時候先喫粥少許後以熱

水淋浴然後服此藥衣覆取汗

梔子散

出聖方

治時氣二日頭痛背強身熱惡寒

梔子仁

黃芩

各一兩

石膏

二分

葛根

剉碎

杏仁

湯浸去皮尖雙仁
麴炒微黃用一兩

甘草

半兩炙
微赤剉

右為散每服五錢以水一大盞入葱白二莖豉五十

粒煎至五分去滓不計時候熱服衣覆取汗

葛根散

出聖
惠方

治時氣二日頭背痛強心煩壯熱

葛根剉

麻黃去根
節

犀角屑

各一兩

右為散每服五錢以水一大盞入生薑半分棗三枚

煎至五分去滓不計時候熱服衣覆取汗

三物湯 治天行病經一二日覺身體壯熱頭痛骨肉

欽定四庫全書

普濟方
卷一百四十八

十八

酸楚背脊強口鼻乾手足微冷小便黃赤此是其候若

如此宜先合煮桃柳葛湯治之

桃枝

細切
五斗

柳葉

細切
五斗

酢醬水一斗

右先以水一石煮桃枝柳葉二物取七斗汁去滓內

醋醬水覺帶熱以浴訖拭身體令乾以粉摩之勿

觸風則於密處刺頭眼後兩邊及舌下血斷以鹽末

刺刺處則入被卧

又後服解肌乾葛等五物飲微覆取汗如病根輕者因

此或歌

葛根切五

合

葱白切一

升

生薑切二

合

豉心一升

綿裹

粳米二合

研碎

右切以水五升煮取汁豉心以上四味取三升半汁去

滓內粳米屑煮令米爛帶熱頓吸候盡微覆取汗無

所忌

又依前浴等法不覺歌宜更作鷄子湯重洩之

新殺鷄子

五枚

欽定四庫全書

普濟方
卷一百四十八

十五

各破頭瀉置一盞中別加一鷄子水以筋攪令極渾

別用水一升煮極沸則投鷄子於湯中微攪纔似熱

則瀉置碗中內少醬清以變腥氣帶熱頓吸令盡覆使

汗出

又依前鷄子湯出汗汗洩當歌如不覺退合梔子等六

味散以下之

梔子

三十枚

乾葛

五兩

茵陳

二兩

蜀升麻

三兩

大黃

五兩

芒硝

五兩

右切合搗為散以飲服三方寸匕服之須臾當覺轉則利也如經一兩食頃不利且以熱飲投又不利即須更服一方寸匕還以飲投得利為度後適寒溫將息無須服此也

又依前梔子等六味散取利復不覺退加嘔逆食不下口鼻喉舌乾燥宜合生蘆根八味飲子細細服之

生蘆根

切一升

生薑

五兩

人參

二兩

知母

二兩

生麥冬

升去心

烏梅

十顆

白蜜

一合

竹瀝

三合

欽定四庫全書

卷一百四十八

子

右切以水八升煮取三升去滓內蜜瀝等攪調細細

飲不限過數冷暖亦不限食前後服此飲子雖不能

頓除熱病然於諸症不覺有加體氣安穩心復不冷

意又欲得此飲任重合但依前服之如熱勢不退心

腹妨滿飲食漸少心上痞結則不可重服之

又依前生蘆根等八味飲子飲之諸狀不歇漸不下食

心腹結破不得手近有時觸着痛不可忍既是熱病

體氣合熱骨肉疼痛脉合洪數口合苦乾食合嘔逆

體氣反涼脉反沈細飯食反下不知痛惱大小便秘

塞心上如石痛不可近視唇急鼻張手眼尋繹狂言

妄語此由熱極將思酷冷飲食寢味唯冷是求熱結

在心無因通洩如有此者十不救二三更不可以常

途守之當須作成敗計耳此非半夏等十味湯無奈

之何其中有諸狀與此無別但加身體黃眼白睛色

如黃藥此是急黃如有亦不可守常法選宜合後湯

救之

欽定四庫全書

卷一百四十八

主

半夏

五兩

洗滑汁盡

兩

煎州者

乾薑

三兩

兩

吳茱萸

二兩

兩

大黃

五兩

桂心

二兩

白朮

二兩

細辛

二兩

柴胡

牡丹皮

各三兩

兩

芒硝

二兩

兩

右切以水一斗煮取三升去滓內芒硝攪令消盡分

溫三服每服人行十里久若服一服利後須要伺候

將息勿更進湯藥但研好粟米作汁飲細細與之如

下利傷多可以酢飯止稠酢醬粥亦得忌羊肉飴生

葱生菜桃李雀肉胡荽等

又依前成敗計服半夏等十味湯後雖得毒熱勢退利

過不休體力漸弱宜合人參等五味散細細服之

人參

生犀角

烏梅肉

生薑屑

黃連

右為散以飲服一方寸匕日三服稍加至二匕忌猪

肉冷水等物

水解散 治時行頭痛壯熱一二日

桂心

甘草

大黃

麻黃

欽定四庫全書

卷一百四十八

三

右為散患者以生熱湯浴訖以暖水服之方寸匕日

服覆取汗或利便差丁強人服二方寸匕延年秘錄

有黃芩芍藥各二兩古今錄驗無甘草有芍藥治天

行熱病生庖瘡疼痛解肌出汗

柴胡湯 治時行疫癘一二日頭痛壯熱

柴胡

芍藥

梔子仁

黃芩

石膏

葛根

右為散每服五錢以水一盞半葱白三寸豉三十粒

右為散每服五錢以水一盞半葱白三寸豉三十粒

煎至七分去滓不計時候溫服

麻黃解肌湯 治時行疫癘一二日頭痛壯熱煩躁

麻黃

升麻

甘草

芍藥

石膏

貝齒

杏仁

右為散每服五錢水一盞半煎至一盞去滓不計時

候溫服即覆取汗愈便食鼓粥補虛

治傷寒時氣溫疫瘧瘧痛壯熱脉盛始得一二日者方

用丹砂一兩為末以水一斗煮取一升頓服之覆

欽定四庫全書

卷一百四十八

三

取汗

治若得時氣冷熱不調發作者皆是寒熱所致其狀似

瘧久久不瘳損人性命縱服湯藥必然難瘥宜作生

熱湯浴之

用大器盛湯中坐勿動須臾百節開寒熱之氣從毛

孔中出變作流汗若心中熱悶者還服少許熱湯即

定久乃出湯以衣被覆蓋睡然平復如患大重者

不過三兩度即瘥

治天行一二日

用麻黃一大兩去節以水四升煮去沫取二升去滓則著米一匙及豉為稀粥取強一升先作生熟湯浴淋頭百餘碗然後服前粥服後覆取汗於夜最佳

八神湯 治時氣一二日頭痛壯熱心神煩悶

當歸切 甘草 大黃剉 白朮

山梔子仁各半 麻黃去根節煎掠 去沫焙一兩

為藥 荆芥穗各一

欽定四庫全書

卷一百四十八

三

右搗鹿蹄每服三錢匕水一盞入薄荷三葉葱白一寸生薑二片同煎至六分去滓熱服

梔子湯 治天行一二日頭痛壯熱心中熱者

梔子 黃芩各三 豉炙綿 葱切各 一升

石膏碎綿 葛根切各 四兩

右切以水七升煮取二升六合去滓分溫三服如人行八九里時再服忌麴酒生冷等物

時氣三日論

夫時氣病三日少陽受病少陽脈循於脇上於頭耳故得病三日胃脇熱而耳聾也三陽經絡始相傳病未入於臟故可汗而愈

方

柴胡散 治時氣三日頭痛壯熱心神煩壅胃腸不利

柴胡去苗 人參去蘆 犀角屑

黃芩 麥冬去心各 甘草炙微

半夏湯洗七遍去 滑各半兩

欽定四庫全書

卷一百四十八

右為散每服五錢以水一大盞入生薑半分棗三枚

煎至五分去滓不計時候溫服

葛根散出聖 治時氣三日頭痛壯熱

葛根剉 麻黃去根節各 赤芍藥

黃芩 桂心 甘草炙微 石膏二

杏仁湯浸去皮尖雙仁 麴炒微黃各一兩

右為散每服五錢以水一大盞入生薑半分棗三枚煎至五分去滓不計時候熱服衣覆取汗